

清
史
記
閩
類
編

記

閩

類

編

文苑出版社有限公司印行

近代中國史料叢刊三編第十八輯
沈雲龍主編

記聞類編

卷一—七

蔡爾康編

文海出版社

有限公司

印行

歌
聞
類
編

元和沈彝之署



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



光緒丁丑上
海印書局刊

編序

孔子曰天下有道則庶人不議方今

朝無失政野無遺賢我儕小民食德飲和之不暇或敢有他志以速罪戾顧夏
書不云乎孟春之月適人以木鐸徇於路官師相規工執藝事以諫其或不共
邦有常刑記曰命太師陳詩以觀民風左氏謂師賦矇誦以箴闕失之數者皆
與孔子之言竝行而不相悖者也泰西諸國創為新聞紙之舉大旨以羅一國
之軼事奇聞筆之于簡新人耳目而時政之所未逮者亦爾縷及之顧皆記以
西字未嘗播入中華也互而以來香港繼為華字新聞紙而英國美查復於滬
上設申報制益精論益暢行益廣一時婦人女子咸津津樂道焉迄今五載美
不勝收海上機器印書局主人懼其日久散佚而崇論閎議與夫可驚可愕可
奇可喜之事無以垂諸來茲也爰先即同治壬申癸酉兩年之奏摺論議時事
雜聞詩歌分類一十有二集為記聞類編以問世工既竣乞序於予予惟古昔

盛時縣始設鐸民隱不壅於上聞降至漢唐學士大夫之鼓吹休明亦且頌不忘規以圖涓埃之報况值我

聖朝好問察邇言路宏開諫官諍於上文人論於下無不周諮博訪所謂泰山不讓土壤河海不擇細流

到治之隆操券得之矣然則是編也非特爲采風之津逮且將爲中興錄之支流也夫乃不辭而爲之序

光緒三年太歲在強圉赤奮若如月之吉古滬縷馨僊史蔡爾康序於鑄鐵巷

記聞類編目錄

卷之一

奏疏類 十八則

卷之二

時政類 二十六則

卷之三

論議類 二十二則

卷之四

論議類 二十三則

卷之五

風土民情類 二十九則

卷之六

邦交互市類 三十則

卷之七

外邦時事類 四十八則

卷之八

畸行類 三十九則

卷之九

異聞類 五十則

卷之十

艷蹟類 三十六則

卷十一

博物類 二十三則

卷十二

文辭類 二十九則

卷十三

文辭類 八十二則

卷十四

雜著類 三十五則

記聞類編卷之一

奏疏類

故尙書子孫妾媳殉難請旌旛

李鴻章

再據已革吏部尙書陳孚恩之子陳景蕃呈稱景蕃親父孚恩于咸豐十一年遣戍伊犁供挈景蕃及生母黃氏嫡次兄戶部候補郎中景和之妻徐氏子連官隨侍前往于同治元年八月到戍三年回匪滋事經伊犁將軍保奏四年正月初四日奉 上諭常清明緒 奏革員陳孚恩籌餉籌兵不遺餘力懇請釋回等語以革員既在伊犁尙能出力着加恩准其釋回仍着留于伊犁帶同辦理一切兵餉事宜但能始終出力並准明緒酌量保 奏 旨施恩等因欽此五年正月回匪攻圍伊犁惠遠城萬分危迫親父孚恩率景和上城分守時景蕃年十三歲連官年僅十歲皆挈以登陴十九日回匪在城北偷挖地道轟塌城牆數十丈乘勢破城父兄親率兵勇擊退將塌口補好至二十二日回

衆併力仰攻自辰至酉鋒擁而上勢不能止親父孚恩身受重傷持刀自刎次兄貴和亦創重自戕生母黃氏聞變與嫂徐氏攜其幼子小璉自投火中焚死景蕃及連官被擄日夜有人看守不克覓葬父兄遺骸亦不知連官下落十年五月俄羅斯兵衆入城回匪潰走景蕃得入俄營適有往日蒙師陝西人劉瑞漢于城陷後掩藏父兄屍骨覓孤多年自此始知信息乃向俄國領兵處遞呈將景蕃領出請給文照送由恰克圖轉送于張家口與劉瑞漢沿途乞貸于本年四月二十九日行抵京城探知嫡母崔氏因在京守待久無消息已携塊存案屬由水路南旋景蕃星夜奔投于五月初五日赴至天津舟次始見嫡母之面備述父兄等殉難情事嫡母痛不欲生急命景蕃就近具呈籲懇具情入奏等情前來臣查已革尚書陳孚恩自道光年間入直樞廷薦擢正卿任事較久嗣因獲咎遣戍曾以籌辦兵餉出力 奏蒙 恩准釋回仍留伊犁幫辦兵餉事宜乃值回衆攻城親率子孫登陴守禦卒以衆寡不敵力竭捐軀一門五

口同時殉節死事實爲慘烈伊子陳景蕃隨侍圍城目擊情形臣卽令其與蒙
師劉瑞漢來轅面詢當日伊犁守城與陳孚恩殉難節情歷歷如繪未便壅于
上聞可否仰懇 天恩俯念該革員臨危授命力贖前愆准將已革吏部尚
書陳孚恩開復原官職銜仍 飭部照例議卹出自 逾格鴻慈至陳孚恩之
妾黃氏次子戶部候補郎中陳景和次媳徐氏幼孫小連隨赴戍所同侍就義
大節凜然均堪憫惻擬請 旨一併 飭部分別從優 旌卹以慰忠魂伏乞
聖鑒訓示謹附片具 奏軍機大臣奉 旨除陳孚恩無庸給予卹典外陳
孚恩之妾黃氏及伊子陳景和媳徐氏孫小連均着交部分別從優旌卹欽此

特恭司員疏

張景青

奏爲特恭慶名陋劣之司員仰祈 聖鑒事竊臣恭閱邸抄同治八年三月二
十八日奉 上諭朕奉 慈安皇太后 慈禧皇太后懿旨本日據倭仁奏六
婚典禮宜崇儉以光 聖德一摺 皇帝大婚典禮攸關自不能不籌款辦理

惟現在民生未裕軍務未平物力艱難正宜倍加愛惜着該王大臣及總督內
務府大臣並承辦各衙門於一切應辦事宜凡有可以節省之處隨時奏明請
旨酌量裁減並力杜中飽用副敦崇節儉至意等因欽此仰見 朝廷慎重
典禮兼惜民力之至意大小臣工宜如何各矢大良力求樽節乃臣風聞內務
府堂郎中文錫即內務府大臣明善之子承辦公事巧於營私且恃伊父現任
堂官益無顧忌遇有傳辦之件浮開價值或經別堂飭令核減該員輒故意耽
延迨至需用急迫愈昂其值該堂官恐致悞公不敢復加指駁以致浮冒日增
半歸中飽人言籍籍必非無因當此經費支絀物力艱難豈容此等劣員盤踞
要地相應請 旨飭下總督內務府大臣將該員一切差使撤去另派廉謹之
員承辦並隨時查察如有浮冒侵蝕等弊即將承辦之員嚴叅治罪以重帑項
而杜漏卮臣職司糾劾既有所聞不敢緘默伏乞 聖鑒謹 奏奉 旨已錄

督臣呈進瑞參風竄攸關請 旨訓飭疏

邊寶泉

奏爲督臣呈進瑞麥風尙攸關請 旨訓飭以防流弊恭摺仰祈 聖鑒事竊
惟貢諛獻媚端必有所由開而杜漸防微機貫嚴於先見祥瑞之說 盛世不
言卽豐年爲瑞一語亦謂年穀順成民安其業以是爲瑞焉耳未聞有水旱頻
仍民生凋敝之餘而猶復陳嘉祥瑞應者也自漢迄唐臣下兢言祥瑞其始倡
之者一二人其弊至於一草一木爭獻無已侈逸上心愚惑天下莫此爲甚奴
才恭閱邸抄大學士直隸總督李鴻章奏清苑縣暨廣平府等屬呈報麥秀兩
歧並進 呈麥樣以爲靈異此摺中外傳述物議紛紛考之宋太祖乾德四年
澶州滹陽縣麥秀兩歧至五六歧各數十本不等神宗時深州麥兩歧者四十
畝徽宗政和二年蔡州麥一莖兩歧至七八歧近約十餘畝遠或連野一代如
此他代更不可枚舉奴才少居鄉里每見麥非甚歉雙歧往往有之推原其故
或地力有餘得氣偏厚皆足以致之物理之常何異之有卽以瑞應言之漢章
帝時大臣以嘉穀芝草諸瑞議改元章和當時何敞據經義而責宋由袁安由

安懼不敢答至元馬端臨纂文獻通考乃舉歷代祥瑞統謂之物異夫祥且謂之異今以恒有無異之物而以為祥可乎上年直隸水災之大為數十年所未有畿輔東南幾成澤國至不獲已而集捐外省發粟京倉議賑議蠲勸勞宸慮迄今出廬沒於水者所在多有就令今年二麥豐收猶不足補上年之歉况收成多者不過五六分近聞永定河甫經葺工北岸又行潰決順天南路州縣暨保定天津各屬各河亦多漫溢秋稼並聞有被蝗之處雙歧之祥抑又何取大抵逢迎諛諂乃庸劣州縣之故習遇事揣摩希圖見好上官而紳衿之無行者因而藉端貢媚撫拾微物妄事揄揚弊實由此現值邊省軍務未竣民困未蘇該督臣身膺重寄名望素隆當敬體皇太后皇上宵旰之憂勤效何敏之公忠德宋由袁安之導媚如果地方收成豐稔屆時奏報即所以仰慰宸廑於此等庸劣官紳宜明曉以物理之常不足為異以絕其迎合之私豈可侈為嘉祥據以入告原摺亦稱其矜瑞應明知之而故蹈之抑又何歟至

於漁陽舊事乃其時民殷物阜百姓樂張堪之爲政而歌之直隸災患頻仍小民流離可憫乃竟節爲瑞應上瀆 宸聽而又援據古人以爲比例陽爲歸美於 朝廷陰實自譽其政竊恐此端一開地方官相率效尤務爲粉飾流弊有不可勝言者溯查同治元年殿廷考試翰林院庶吉士嚴辰曲意頌揚當奉 旨嚴飭中外同欽夫嚴辰草茅一新進耳猶且明降 諭旨以戒將來况督撫大吏倡言祥瑞於治道人心關繫尤鉅相應請 旨訓飭庶各省有所儆惕不致長浮夸而荒實政天下幸甚奴才爲預防流弊起見冒昧直陳是否有當伏乞 皇太后 皇上聖鑒謹奏奉 旨已錄

雲南開採銅廠據情請 旨疏

身保

爲奏 聞請 旨事據雲南候補知府徐承勳遣抱徐協和以呈請代奏等詞赴臣衙門呈訴臣等公同訊問據徐協和供年二十八歲安徽青陽縣人家主寫呈遺遞求閱便悉查原呈內稱竊職以候選知府於本年五月十一日經吏

補行開復同知直隸州帶領引見奉旨徐承勳着准其開復原官仍歸雲南遇缺儘先補用故賞換花翎欽此感激之忱無可圖報思及雲南近日情形莫急於開辦銅廠藉助軍需似於軍務錢法兩有裨益就管見繕呈請奏等語臣等公同閱看呈內並無違悖字樣所陳亦爲餉精起見既據取具同鄉京官印結呈懇前來臣等不敢壅於上聞謹抄錄原呈二紙恭呈御覽伏乞聖鑒訓示謹奏奉旨已錄徐承勳呈具呈雲南遇缺儘先補用知府徐承勳遣抱徐協和爲採辦滇銅藉費軍餉呈請賞准代奏事竊職以部選典史於咸豐六年到滇適值軍務方興奉委帶練勦賊嗣又調往四川貴州軍營出力薦保知府領咨赴部候選茲蒙天恩仍歸雲南補用感激奮勉惟恐無以仰報伏思雲南近日要務莫急於練軍而練軍莫先於籌餉現在迤東迤南漸次肅清惟迤西大理順寧蒙化雲州等處賊巢負隅如故誠宜力圖進取惟是餉需之浩繁籌備萬難大要不過派捐抽厘及各省協餉三大宗旨

軍興以來十有餘年閭閻灰燼田野荒蕪民間之捐派已無幾矣道路荆棘商賈裹足市鎮之抽厘又甚微矣所可惜者不過各省協餉而已無如滇省地處極邊轉運非易即奉 諭旨嚴催每年催到者亦僅有二三十萬兩大吏左支右絀以接濟無多之協餉辦積年不了之軍務年復一年事不能結曷若乘此賊勢將窮之時思爲一勞永逸之計職在滇日久情形稍悉竊以爲就滇籌餉莫切於銅鹽兩務鹽井雖已克復銷路甚微抽課究屬無幾惟銅政自咸豐年間中原有事運道不通停止已十有餘年現在滇省東南兩面漸就肅清各廠可以開採中原軍務業已告竣運道亦無阻滯可否請 旨飭部妥議將停辦雲南銅本酌量發給俾得照章採辦陸續運京不惟銅政可復竝於軍需有濟竊嘗再三籌畫以爲其利有三何也滇省廠丁四鄉散處全以開礦爲生自銅務既停廠丁失所飢寒困苦半爲賊匪裹脅若採辦滇銅則廠丁之舊業既復賊匪之煽惑無因且向來開礦漢民回民不分畛域互相挑運自食其力如果

銅幣暢行不特回民之安分者漸可復其本業而勉爲善良卽回民之耽樂者亦曾予以生路而不至反復賊勢日孤蕩平自易其利一也滇省山多土廣耕少人稀賴川楚客民多往耕種故能人煙稠密商賈通行自軍興以來客民離散市廛冷落小民流離困苦生計維艱若得銅務盛行不特隣省商賈聞風爭赴卽本境貧民亦可藉貿易爲生將見田地開闢商民輻輳勸捐抽厘自可補添餉需其利二也近來京局所收之銅漸少於前街市所用之錢漸小於舊以致大錢不能流通於京外制錢不能折轉於京中錢法之滯皆因銅斤之短黃探辦滇銅則銅斤既裕不但大錢可照舊式卽制錢亦能搭鑄銅政旣復錢法亦通其利三也伏查各例戶部每年採辦運京銅斤撥款甚鉅當茲庫款支絀之時何能照數發給惟聞各省欠解雲南協餉甚多卽如廣東一省所欠不下五十萬或將此等款項全數催提到滇以一半接濟軍需以一半作爲銅本先行試辦果有成效卽可照章採辦京銅以符舊制似於軍務錢法兩有裨益職

備員滇省自當爲滇計其安全上以紓 九重宵旰之憂下以解滇民倒懸之苦區區下忱不揣芻蕘之愚聊備葑菲之采故敢冒昧瀆陳取具同鄉京官印結具呈代爲奏請伏乞核奪施行爲此上呈

詳酌水師事宜摺

彭玉麟

奏爲詳酌水師事宜敬陳管見恭摺仰祈 聖鑒事竊臣奉 命查閱長江水師所有叅効各員及應補各缺業經會同各督撫隨時具奏外臣竊直愚昧以一介書生隨同前大學士臣曾國藩從事戎行十有餘年自維才識迂疎生平未嘗學問于古人馭將治兵之道未能窺見一二徒恃一味樸誠激勵士卒以此稍得其力倖立戰功茲奉 簡命查閱長江仰維 聖慮實欲整頓江防爲東南久遠之計而臣智慮短淺深恐無以上副 聖懷伏查長江上自荆湘下訖海澨以南北論之則天塹之險也以東西計之又建瓴之勢也而水師一軍據其要害可以左顧右盼雄視四方惟是地面遼闊將卒賢否不齊爲統帥者

非有深沉大略而又出以兢業小心志誠爲國則一時之利或爲異時之害是以曾國藩無恙時每與臣論及水師卽謂宜隨時變通以防流弊不可株守成法實係確有所見臣此次簡閱所至竊見此軍改歸經制甫及五年而弊端已伏不可不急謀整頓俾無失設軍初義以仰副聖主顧慮東南之至意管見所及約有四條用敢分摺臚舉爲皇太后皇上陳之一日將材宜慎選也長江水師管轄五千餘里而提督一人爲之統帥必其精神智力無所不及而刑賞號令實有不出戶庭坐制遠近之勢乃爲勝任非徒一年一巡循行故事而已也故將材極難其人臣竊謂能當其任者約有三等智識閑遠天資忠亮其上也秉性剛方威克厥愛其次也操守清廉敬慎畏法又其次也前明武臣中如戚繼光文臣中如王守仁者不獨水師可用而實水師之奇才至技藝之精練情形之熟悉則微末而不足道矣此等人才若不預儲于無事之時而倉猝以求之則必至于僨事鹵莽以用之殆無異於棄師深可慮也今自軍興

以來謀臣猛將以及中外文武大臣才守兼優爲 皇上所真知灼見者自不
乏人發縱指使惟上所用而臣以爲尤宜責成統兵大臣及各省賢明督撫隨
時保舉將才無論其現爲將帥現爲偏裨但視其志趣才略果與前三項略能
相應卽行密疏保奏 皇上再博加詢問或遇事飭令來京 召見果其所舉
不誣隨時不次擢用而又假之以便宜之柄臨之以不測之威務使有才者得
以自盡其用不才者不得承乏其闕擇將御將道無過此至于各營弁勇如有
心地樸實智慮過人者卽責成各鎮將隨時甄錄上之提督及該管各督撫亦
卽隨時察看視其可用者次第擢用以儲異時統帥之材庶幾人材日出而折
衝禦侮可以惟我指揮矣一日積習宜力除也 國家設立水師各營所爲者
殺伐之事所恃者勇敢之氣所服者勞苦之役使其無勇而畏勞則將何以行
殺伐乎臣每見前史所載凡在開創之初用兵不多戰功獨偉至於承平旣久
兵日益增而益不可用故粵逆之變至捨兵募勇者豈兵獨弱而勇獨強哉兵

有習氣而勇無習氣故臣與曾國藩初起義旅湘軍所向有功其時自將弁以至士卒大抵非書生卽農夫也不知有衣服玩好之娛不知有功名勢位之樂不知有趨踰應對之文當時湘軍所以勝人不過兩端曰樸曰勤乃十數年來時事漸平鎮將則狃于富貴士卒則習爲恬嬉于是樸者以漸而澆勤者以漸而惰是今日之勇又將化爲昔日之兵矣豈不可慮然則居今而欲整頓水師亦在統帥之先去積習而已臣查閱所聞所見鎮將以下樸實者尙不乏人而亦有修飾廚傳講究應酬者均經臣隨時戒飭甚者至于叅劾頗聞每屆巡閱儀節煩縟沿途迎接開放大炮甚至合隊排砲如攻大敵是但知聲威之壯而不顧火藥之虛糜矣業已由臣通飭禁止所到馬頭支搭五色棚帳鼓亭鑼吹儀仗甚都是徒飾觀瞻之美而不知攤派之難支也且此習一開則儂巧者必因此而見長椎魯者必因此而見絀喜怒愛憎隨之而轉移卽是非賞罰隨之而顛倒其與承平年間綠營習氣又何以異乎臣于攤派一節業已嚴札申禁

其各營紅白慶弔及祭祀齋賽時有萬不得已之需商之湖廣兩江督臣略籌
閑款俾資辦公此後再有攤派名目應卽照尅扣軍餉例從嚴參辦所有無名
費用徒飾外觀而有損軍實者應請 嚴旨飭下懸爲厲禁務使上行下效無
失樸誠之舊以養勇敢之風庶於水師可以久遠無弊一日軍政宜實講也臣
所擬慎選將材旣可以收賢者之用力除積習又可以問不肖者之心而鎮將
以下中材居多則利弊所在必恃有成法以制之此軍政之所以宜講也查水
師定例用人甚嚴原以風水沙線舟楫器械非熟悉江海情形難期得力長江
水師原奏第十五條兵部議定水師缺出不得攬用別項水師人員是長江用
人之法必須長江水師人員方可補用自曾國藩創立水師以來十有八年除
已充營哨官外其勇目以戰功保至參游都守千把外委者人數甚衆現改爲
經制額缺則該參游以下名雖爲兵其實皆候補人員也臣前與提臣再三定
議卽以此等兵中之官作爲水師候補遇有缺出擇其人材可用者酌量拔補

不得濫收外來人員乃此次查閱各營提標中軍所收外來候補人員至三百七十餘員之多各鎮標或三四十員或五六十員詢其來由在提標者皆曰自各處薦引在鎮標者皆云由提督飭送迨按冊點名則有向在水師各營因事撤革者有向在陸營僅於履歷中聲明曾在某水師効力者竝有僅於冊上註一銜名竝無出身履歷而點閱之時竝無其人者可謂冒濫已極而一經收標卽須津貼薪水糜費尤甚日復一日數年之後長江水師必盡雜出不倫而營制不可問矣惟此項人員收標既久一時難以盡遣臣擬限以定制提標只准留三四十員各鎮只准留一二十員其有不安本分或別有嗜好者隨時嚴加沙汰此次嚴定額數俟隨時用竣以後卽不准再收候補人員如有缺出專於長江水師中拔補以免外來別項人員紊亂務使水師人材總歸水師拔取以符定制其各營額兵以前類多游勇查各省水師兵丁向由本地招募實以生長其土情形較熟今擬凡在水師地面漁戶水勇人等如有才力精壯心地樸

實諳悉風水沙線者皆可酌量募補且使湘軍土軍主客竝用以杜勾結妄爲之弊於軍政亦有裨益至原奏第二十七條不准私設砲船所慮最爲深遠而近來民間砲船未能禁斷其行劫巨案往往有假冒砲船之事良由各營砲船但有旗號並未援照沙船漕船定例於船稍兩旁大書深刻標列字號盜船私船無可分別以致營船之攬私闖卡匪船之假冒行劫漫無稽察官民均被其害應飭令各營所有砲船均於船稍兩旁大書某營某哨第幾號砲船務使旗幟收卷之時猶可一目了然遇有攬私滋事即可按號查究則營船不敢妄爲而盜船亦無從混跡矣一日體制宜復舊也查水陸各營設提督爲總轄卽設總兵爲分轄提督固有節制各鎮之權而總兵卽有操縱一鎮之責是以定制提鎮相見用賓主禮文移往來一切平行蓋重總兵卽所以輔提督也茲查水師提督與所轄各鎮公牘初擬用札旣而改用照會經臣再三商論始用咨文至各鎮之於提督則概用申文實非 國家舊制至提督出巡所到各總兵必

須迎送出境挂刀謁見尤爲禮所未見雖苟自卑屈類出於不肖之逢迎而妄爲貴倨亦何以存方面之體統况提督之體愈尊則總兵之權愈奪遇有大事能望其引義以諍乎用人失當能望其秉公弗阿乎又長江水師原奏十五條哨官出缺都守千把外委五項應全歸提督主政原以一專權也至委署一層未及分別聲叙長江分汛地段每哨所管汛地或二十里或三十里不等該汛官遇有事故出缺若必由提督委署則如湖南岳州鎮標出缺提督適在江南太平江南瓜州鎮標出缺提督適在湖南岳州上下數千里懸缺久待往返需時萬一本汛出案勢必無所責成隣汛出案亦將巧爲諉卸關係軍機實非淺鮮提鎮皆係統兵大臣卽皆有用人責任總兵用人失當提督秉公叅劾可也豈宜總兵竟不預聞若補缺旣由提督主政而總兵不得委署一缺則輕重過甚流弊頗多且亦非提督一人精力所及於營務尤有空礙屢請 飭下提鎮體制仍遵國家定例一切平行其各鎮將弁出缺卽由該總兵就近委署再行

咨明提督請補其提督叙補非人各總兵即行咨明更正則提鎮有相維之勢
即提鎮有相濟之功矣右臣所陳四條係就今日水師已見之弊而言而其弊
之未形者防微杜漸尤賴隨時整頓臣與曾國藩創立長江水師之意原以十
數年苦戰賴此一軍奪據長江之險俾賊束手待斃而百戰之士棄之可惜且
東南有此一軍居腹心要害之地一旦有事可以無腹背受敵首尾損決之虞
此微意之所在也臣學識庸愚受 恩深重既有所見不敢不罄竭以言是否
有當伏候 聖裁爲此摺摺具陳伏乞 皇太后 皇上聖鑒訓示再臣此摺
係借用兩江總督關防拜發合併聲明謹奏奉 旨已錄

水師提督請開缺片

彭玉麟

再查長江水師章程第三十條水師以便船爲第一善放炮次之凡考獎糧須
令一人駕一小划渡江一二次凡考炮糧須令連放五砲無走火遲鈍等弊等
語並無考核弓箭之說惟內有哨官仍考試技藝以定差等語致近年以來提

臣閱操兼習弓箭各弁勇等紛紛講求既荒本業兼多糜費且尤爲貽誤者借此肆習弓箭之名卽開登岸陸居之漸查水師陸居爲向來之積習臣與前兩江督臣曾國藩初次定章嚴行禁止不准陸居嗣後隨時詰誡奚止三令五申豈可借端登岸敗壞營規況水師人員向不以弓箭爲重卽赴考驗亦只試演燃炮並不責以騎射以臣愚見不但長江水師不准兼習弓箭卽江蘇新改之外海內洋內河水師亦宜專習槍砲不習弓箭庶幾專精一技既可免旁雜之心兼可杜陸居之弊相應 奏明請 旨飭下各該提臣嗣後隨時操演及考拔各缺均應遵照舊章不准再習弓箭以仰副 聖天子慎重水師名實兩符之至意理合附片陳請伏乞 聖鑒訓 示謹奏奉 旨已錄

再長江水師提督黃翼升由內江水師出身隨前兩江督臣曾國藩及臣帶兵江上頗著戰功同治元年現任直隸督臣李鴻章統兵馳援江蘇以上海爲進兵之路實惟該提臣淮揚水師一軍與之偕行厥後攻克江蘇等城無役不從

仲蒙 天恩簡授長江水師提督自五年奏定章程各歸汛地上下江路五千餘里每年循例巡閱一次前兩江督臣曾國藩以長江水師關係緊要時時督飭竭力整頓該提臣亦思振刷精神力圖報稱惟因從前軍營受傷病根早伏精力漸不如前屢欲引疾求退曾國藩未經允許此次臣巡閱至九江與之面晤又申前請竝因本年係軍政之年未敢遽爾自行陳 奏臣再四籌度長江之責任太重斷非病軀所能整理竊惟 聖主優待下臣凡軍營打仗著有微勞者無不渥邀 恩澤曲予成全我 朝寬大之政實爲亙古所未有合無仰懇 天恩俯准長江水師提督黃翼升開缺回籍養病出自逾格 恩施所遺員缺應請 旨迅賜簡放以重職守理合附片陳請伏乞 聖鑒訓示謹 奏奉 旨已錄

查明河東鹽務流弊摺

鮑源深

奏爲遵 旨查明河東鹽務實情分別酌籌變通辦理恭摺覆陳仰祈 聖鑒

事竊臣前准軍機大臣字寄同治十一年四月十一日奉 上諭御史袁承業奏敬陳河東鹽務流弊一摺等因欽此 遵經轉行河東道升泰查明妥議並以藩司李慶翔署臬司王溥均係曾任河東道員缺於鹽務利弊自必確有見聞復飭該司等會同覆核在案伏查河東行鹽引地本定山陝豫三省分銷山陝則商運向銷豫省則商運民銷嗣因簽舉富商百弊叢生商力因而疲乏全綱敝不能支於咸豐四年間遵照戶部 奏定章程將運商一百餘家一律令其捐免鹽課就場徵收竝將山陝兩省改爲官運官銷豫省改爲官運民銷嗣又將豫陝兩省均改爲官民並運迄今已閱十有餘年課食兩無貽誤目下情形但能整飭隨時尙不致大有妨碍今該御史原奏內稱豫陝引票於每年掣簽時扣留若干不行入筒分給現任候補各官以爲調劑之計各官持票出售轉轉剝削價必增昂食鹽之民隱受其害請將豫陝引票統歸掣簽其屬員差委較勤者於雜款項下酌給薪水一節竊查豫陝兩省額引及靈寶加增各引

共三千六百餘名當咸豐四年免商之初民販皆視爲畏途無人領運經河東
 遵員倡率分運河南之會典鎮陝西之三河口聽民販買試辦年餘漸有成效
 民販始趨之若鶩接辦者多復經河東道議定章程官民並運以一成歸官二
 成歸民官則按資分派民則配發聽掣官引民引判然不紊歷屆新綱均係照
 辦從未將民引扣留若干不行入筒而各民販有雖願領運而仍未能統歸掣
 簽者良以在暢銷之時聽民領運或不致於誤事萬一行銷疲滯民商望而却
 步課項恐無着落仍須責成於官以濟民運之窮是官民並運實有相維相繫
 之意非爲調劑屬員計也至各官持票出售者亦因豫陝兩省額徵課項多寡
 不一引則分成搭配如每號紅簽八名內陝引三名豫引五名事隸兩省勢難
 一人兼辦彼此售易卽有議加津貼之舉但津貼之低昂要視銷路之暢滯官
 民事同一律不能獨自居奇且鹽務人員現已增至二百餘員之多卽擇其差
 委較勤者酌給薪水亦覺欸無可籌更恐力難爲繼所有該御史請將豫陝引